



ÁŠŠEČILGEHUS | SAKSFRAMLEGG

čoahkkin møte	: riikkačoahkkin/landsmøte 2018
beaivi ja báiki tid og sted	: Guovdageaidnu, 30.11.–1.12.
áššenummar saksnummer	: 2018/5.1
áššemeannudeaddji saksbehandler	: riikkastivrra/landsstyret

mildosat | vedlegg :

2018/5.1 DOAIBMAPLÁNA 2019–2020 NSR váldoorganisašuvdnii

Organisašuvdnaovdánahttin ja miellahtturekruhtten

NSR áigu vuoruhit

- čuovvolahttit #NSRmaid, čađahit eastadeaddji doaibmabijuid seksuálalaš loavkašuhthimiid ja illástemiid vuostá, ja johtilit ásahit gelbbolaš dieđihanjoavkku;
- nammadit lávdegotti mii galgá rievdatit daid osiid NSR ehtalaš njuolggadusain mat eai guoskkahuvvon #NSRmaid:s, ja dárkilat geahčadit rutiinnaid mat gusket dasa go njuolggadusat rihkkojit;
- nammadit lávdegotti mii galgá evttohit doaibmabijuid mat sáhttet nannet báikkálaš serviid searvama našunála proseassaide nu mo politihkalaš reforpmaide, válgagiččuide dahje stuorát mearrádusaide;
- ovdánahttit eaŋkilis ja oanehis ofelačča báikkálaš serviide mas boahotá ovdan mo báikkálaš searvvis sáhttet bargat beaktilit ja ulbmillaččat;
- oččodit miellahtuid olahan dihte mihtu ahte leat unnimusat 1100 máksi miellahttu jahkásaččat;
- čađahit unnimusat guokte miellahtturekruhttenkampánnja sosiála mediain jahkásaččat;
- veahkehit áiddo ásahuvvon sámeserviid ásahit rutiinnaid ja doaimmaid mat sáhttet mielddisbuktit eanet miellahtuid;
- veahkehit vai ásahuvvojit ođđa sámesearvvit guovlluide gosa lea lunddolaš, ja ahte časká oktii searaid daid guovlluin gos sáhttá leat hástalus doalahit jođus dohkálaš doaibmadási.

Siskáldasgulahallan

NSR áigu vuoruhit:

- ásahit doaibmi rutiinnaid gulahallamii riikkastivrras miellahtuide;
- ásahit doaibmi rutiinnaid gulahallamii riikkastivrra, sámediggejoavkku, sámediggeráđi ja NSR-N gaskkas;
- čađahit bastevaš heiveheami NSR miellahttuvuogádagas čuovvut gáibádusaid maid GDPR diehtovurkendirektiiva lea addán, ja addit buot miellahtuide beassama iežaset miellahttoprofiillaide;
- viiddidit NSR miellahttuvuogádaga maiddá fátmmastit lágideapme- ja čoahkkinmodulaid ja gulahallama Brønnpøysundregisteret:in;
- čuovvolit juohke báikkálaš searvvi dan bokte ahte muhttin riikkastivrras/hálddahušas galleda sin unnimusat oktii.

Čoahkkimat ja ovddasteamit

NSR áigu vuoruhit:

- lágidity luohhtevašolbmuidkonferánsa 2019:s fáttáin veahkaválddálašvuohhta ja illásteapmi sámi servodagas;
- lágidity semináraid dehálaš ja áigequovdilis sámpolitiikalaš fáttáiguin ovttas báikkálaš servviiguin;
- bovdet miellahttočoahkkimiidda riikkastivrračoahkkimiid oktavuodas;
- leat searvvis ja oidnosis dehálaš konferánsain, seminárain ja kulturlágidemiin.

Sosiála mediat (SoMe), neahttasiidu ja mediabargu

NSR áigu vuoruhit:

- ráhkadit SoMe-plána mii sihkarastá jeavddálaš ođasmahttimiid NSR Facebook-siiddus ja instagramprofiillas, mas lea čielggaduvvon guhte galgá ođasmahttit ja makkár sisdoallu galgá guđe kanálie;
- geavahit NSR-joavkku Facebookas digaštallat kultuvrralaš ja politiikalaš áššiid;
- álelassii nannet SoMe-gelbbolašvuoda, dása gullá čuovvut mielde daid SoMe:in mat gávdnojit ja mat bohtet, ja iskat njuolggorávdnjema;
- juogadit gelbbolašvuoda ja fállat SoMe-kurssa luohhtevašolbmuid;
- fuolahit ahte nsr.no:s leat ođasmahtton áigequovdilis ja dehálaš dieđut sihke sámegillii ja dárugillii;
- ođđasit struktureret ja ođasmahttit nsr.no ja fállat vuollesiiduid báikkálaš servviide (omd. oslo.nsr.no);
- ođasmahttit nsr.no ođđasiiguin riikkastivrras, sámediggejoavkkus, sámediggerádis ja báikkálaš doaimmaiguin, ja erenoamážit fuomášuhttit politiikalaš proseassaid mat leat jođus (ovdamearka dihte giellareformma ja duohtavuodakommišuvdna);
- oččodit mediafuomášumi organisašuvnna doaimmaid birra ja álggahit digaštallamiid dehálaš sámpolitiikalaš áššiid birra sihke sámi, báikkálaš, regionála ja našunála mediain.

Fierpmádagat ja lihttoeallalaččat

NSR áigu vuoruhit:

- doalahit oktavuoda sámi vuoigatvuodaoamasteddjiiguin ja vuoruhit veahkehit dárbbu ja kapasitehta mielde;
- deaivvadit ja ovttasbargat oabbáorganisašuvnnaiguin Sámis, maddá daiguin mat eai leat Sámerádie ovttasbarggus;
- nannet gulahallama sámi ealáhusorganisašuvnnaiguin;
- doalahit lágva oktavuoda Sámi Álbmotlihtuin daid áššiid ektui main organisašuvnnain leat oktasaš beroštumit;
- nannet fierpmádagaid biraslihkadusas ja eará sektoriin mat sáhttet leat lihtolažžan sámi areálaššiin;
- nannet fierpmádagaid našunála politiikalaš bellodagain.

Giella

NSR áigu vuoruhit:

- leat buorre giellaarenan, ja ovdagovvan sámegiella geavaheamis sihke siskkáldasat ja olgguldasat čoahkkimiid, politiikkahábmema, miellahttogulahallama ja muđui servodaga dáfus;
- ávžžuhit bargiid, luohhtevašolbmuid ja miellahtuid aktiivvalaččat geavahit daid vejolašvuodaid mat gávdnojit oahppolihtu SOL fáladagain giellakurssaid dáfus;

- bargat dan ala vai sáhttit nannet juolludemiid sámi oahpponeavvuide ja ahte juolludeamit oahpponeavvuide álo bohtet go sámegeiela oahppoplánat leat rievdan;
- ovddidit sámi giellageavaheami muđuid servodagas ja leat aktiivvalaš láidsteaddjin sealluhit dan rikkis giellamánggabealatvuoda Sámis;
- leat mielde sihkkarastit rádjarašttildeaddji giellaovttasbarggu Sámi giellagáldu bokte;
- čuovvolahttit NÁČ 2016: 18 Váibmogiella ja hástalit ja veahkehit báikkálaš servviid dán vuodul ángiruššat.

Politiikkaš doaimmat ja politiikkahábmén

NSR áigu vuoruhit:

- bargat Sámedikkis válgaprográmma ja *Muohtačalmmit*-julggaštusa vuodul;
- bargat politiikkalaččat Sámedikki olggobealde dehálaš áššiin mat gusket sámi servodahkii, erenoamážit áššiin main Sámedikkis ii leat váldi;
- searvat gulaskuddamiidda ja buktit gulaskuddancealkámušaid stuorra politiikkalaš proseassaide mat čuhcet Sápmaí;
- álggahit siskkáldas bargojoavkkuid mat sáhttet ovdánahttit ođđa politiikka mii sáhtta dustet sámi servodaga boahhteáiggi hástalusaid. Dálkkádatrivedan ja dálkkádatheivehallan leat áigequovdilis ovdamearkkat, ja riikkastivra berre johtilit árvoštallat guđemuš surggiid galgá vuoruhit.

MEARRÁDUS EVTTOHUS | FORSLAG TIL VEDTAK:

Ovdanbuktojuvvo mearrádusevttohusa haga.
